



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 108. Imperatoris quærimoniæ adversus Synodum.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

§. CVIII.

Sæcul. XV. 2
A. C. 1433.*Imperatoris querimoniam adversus
Synodum.*

Eorumdem Actorum fide discimus, Imperatorem coram Legatis adversus Synodum graviter conquestum esse, eo quod illa variis modis auctoritatem ejus spernere non dubitasset; inter ceteras Cæsaris querelas præcipuæ erant, quod, cum ipse in Italia ageret, Synodi Patres ad Ducem Mediolanensem scripsissent pro recuperatione Patrimonii Ecclesiæ, & non ad ipsummet Imperatorem, cum tamen Imperatores, non autem Duces Mediolanenses Ecclesiam bonis istis dotassent, suæque libertati restituissent, ac præterea querebatur, quod, cum esset ipse Basileæ, decrevisset Synodus mittere Cardinalem Cyprium, aliosque ad Papam, & quidem cuncta ista inconsulto Imperatore; Exprobrabat etiam, quod Basileenses plura negotia, causasque ad Synodi forum minime spectantes, tractare præsumerent in præjudicium Imperii, additque, se, cum suæ auctoritati debitam observantiam tribuere neglexissent, propterea recessisse a Concilio: patrocinium tamen suum Patribus ulterius impensurum, imo se ipsum proxime venturum, si Patres reformationi, ceterisque negotiis, quorum causa con-

L. 2

gregati

Sæcul. XV. gregati essent, sedulo incumbere vellent.
A. C. 1434 Exstant adhuc aliæ duæ epistolæ die vigesima octava Julii ad Synodum datæ, quibus Sigismundus, qui tum Ulmæ agebat, graviter conquerebatur, quod Basileenses in causa, quæ inter Saxonie Duces circa hunc Ducatum, ejus jura atque onera agitabatur, alienam usurpassent jurisdictionem; Ab altero enim horum Ducum lis ista ad Synodi tribunal deferrebat: Sigismundus vero eam Imperii forum spectare contendebat, quæ propter in præfatis literis palam declarat, se contra Patrum sententiam, nisi causam penitus a se amoverent, publice reclamaturum.

§. CIX.

Erici Regis epistola ad Synodum.

Die quinta Julii Ericus Daniæ, Sueciæ & Norvegiæ Rex pro tuenda regulæ Ordinis S. Salvatoris a S. Birgitta instituti ad Synodum perscripsit; cumque eadem de re itidem Archiepiscopi, ac præfatorum Regnorum Episcopi literas dedissent, eadem in quadam particulari Congregatione anno sequenti die vigesima sexta Martii habita recitabantur.